

671.3953

075
12

商城縣志

卷之二

地理志下

古蹟

風俗

物產

陵墓

寺觀

商城縣志卷之二

知商城縣事榮河武開吉纂修

地理志下

古蹟

風俗

物產

陵墓

寺觀

〔古蹟〕

安陂城

高志高陽氏封子庭堅於安商城舊有安城里安陂城縣西五十里疑在今觀下保

霸王較射臺

舊志縣西四十里山有三相傳霸王較矢其上又

西十里有池二相傳霸王飲馬處

史記漢五年漢王乃追項王至陽夏南止軍與淮陰侯韓信建成侯彭越期會而擊楚軍至固陵晉灼史記注固陵卽固始按固始西九里有霸王臺東城下有漢王金波池南十里有漢王隔夜廟邑之較射臺疑卽此時事

雩婁縣故城

一統志雩婁廢縣在商城縣東北春秋時吳地漢置雩婁縣東晉廢宋元嘉二十五年以豫部蠻民

復置魏更名宇樓尋廢

按固始志稱雩婁故城在東南七十里李家集保史水西岸故蹟猶存與商坡陳家集接壤商析於固邑卽古雩婁地也

蘇仙石

舊志縣東南五十里在大蘇山之巔謂蘇耽飛升之處石上足跡猶存

按耽乃桂陽郴人列仙傳載其種橘鑿井告母後二
年州大疫食橘葉當自愈鶴數十降門遂仙去未

幾果疫如法療之得無恙後化鶴上郡城樓以爪
櫻板云城郭是人民非三百甲子一來歸我是蘇
仙彈我何爲云云皆係郴州事與此地無與固始
志葛城云固始蘇仙寺與霍之九公灣接壤淮南
王及八公丹竈遺跡尚在八公中有蘇飛名蘇仙
疑是蘇飛斯言近之

繁陽亭

後漢書郡國志云宋公國周名鄴邱漢改爲新鄴
章帝四年徙宋公於此有繁陽亭今地無考

袁安故里

通志云在縣城北然考後漢書列傳安係汝南汝陽人

邊城郡故城

一統志邊城廢郡在商城縣東劉宋置元嘉二十五年以豫部蠻民置邊城縣屬弋陽郡後升作郡大明八年省爲縣後復置郡北齊北周時廢

史水縣故城

一統志史水廢縣在商城縣東北劉宋置元嘉二

十五年以豫部蠻民置史水縣屬弋陽郡尋屬邊
城郡地形志霍州邊城西邊城郡皆有史水縣北
齊北周時廢

女兒街

舊志縣西南五十里相傳二女砌街唐張果過其
處遺址尙存按固始有張果潭在棗林岡在城下
張果墓在張莊唐書本傳果懇辭還山至恒山蒲
吾縣未幾卒此地何仙跡之多耶

照鏡崖

舊志邑人王以義云土人傳以爲則天皇后真齊東語也或曰一河中流東牛即西織女遙相望而立於兩岸懸石上亦想當然耳

高志縣南五十里相傳昔有仙女梳粧現立有大石尙存

殷城縣故城

隋書舊曰包信開皇初改名焉

光郡通志宋建隆元年避宣祖諱改殷城爲商城至道三年省入固始

太平寰宇記廢殷城縣城在固始南一百二十里
卽今縣治

光州舊治

光郡通志宋嘉熙元年秋七月徙光州治金剛臺
咸淳四年臺燬於寇在今金剛臺之陽

牛市販

宋史度宗本紀咸淳十年四月辛酉詔賞光州守
陳岩路分李全許彥德總管何成路鈴仰子虎等

牛市販丁家莊戰功牛市販在縣南距縣治一百

四十里崇山峻嶺林莽叢翳爲自豫入楚要路乾隆十八年設牛食畷巡檢彈壓

觀音舖

許志縣西四十里相傳觀音大士現身度人處後建有寺舊址尙存

平頂舖

許志縣東南金剛臺之上元末余思銘建遺址尙存

裏羅城

許志縣東南三十里元末余思銘築以避兵者址
尙存

千工堰

許志縣東南三十里元末余思銘築以瀦水禦兵
遺跡尙存

風俗

史記謂汝南南郡其俗剽輕易發怒地廣人稀倫生
無積聚江淮以南無凍餓之人亦無千金之家

漢書亦謂其急疾有氣勢信巫鬼好淫祀

隋書地理志江都弋陽淮南鍾離蘄春同安廬江歷陽人性並踈勁風氣果決包藏禍害視死如歸戰而貴詐此則其舊風也自平陳之後其俗頗變尙淳質好儉約喪紀婚姻率漸於禮其俗之倣者稍愈於古焉

唐杜佑通典云性輕揚尙鬼好祀

今邑中人有小病持雞帚擊鼓沿街招魂歸來之聲終夜不絕猶沿其舊

宋地理志淮南路土壤膏沃人性輕揚男務墾闢女

修織紉士風習尚文質彬彬

許志云有明盛時渾樸未雕男務耕鑿女修織紉冠婚喪祭率漸於禮循分守法其天性也

高志云商古殷城地其民樸而拙居山谷鮮見聞辨風正俗於茲爲急其盛也詩書之聲達於巷牖市有恒價野無餘力征檄出而樂輸不待告誡之士而仕者經綸光偉士而學者品行端方小民勤務農桑少作商賈有終身不入城市者其敝也家無餘一餘三之蓄秋成則糶穀春夏則覓市糧催

科急惟資於日減口剩之餘甚至東補西露掣襟
肘見民窮而志湣風漓而世變荀子言之矣然民
畏刑威士厲廉恥司轉移之責者宜救其敝以維
其風

正月元旦祀神祀先隆師友賀尊長宴賓客宗黨交
拜立春迎春觀土牛飲春宴元日至上元樹鞦韆
上元設松竿掛門燈前後各三日十六日出郊遊
玩俗名走百病

二月鄉社飲祀先農

三月三日遊三教洞進香近清明放紙鳶清明蒙童放假墓祭插紙標於墓頂市皆戴柳踏青穀雨日浸穀種

四月八日各寺菴設佛會

五月五日祀先食角黍飲菖蒲雄黃酒插艾繫符綵索隆師逆女追節宴姻婭

六月六日曝衣晒書作麩醬酒麩

七月七夕拜牛女乞巧十五日祀先祀穀神

八月中秋禮月玩賞列瓜果饋月餅

九月重九登高賦詩泛萸釀菊作糕逆女追節

十月朔日墓祭焚楮衣亦插紙標於墓

十一月冬至賀陽至

十二月八日食臘粥二十三日掃舍祀竈除夕易門

神桃符春帖爆竹修歲事祀先多嫁娶

按三教洞進香之習遠近絡繹男婦喧闐自朝達暮

是謂秕俗急宜嚴禁

物產

周官職方氏河南曰豫州其利竹漆絲枲其畜宜六

擾其穀宜五種東南曰揚州其利金錫竹箭其畜宜
鳥獸其穀宜稻邑介揚豫之間山林川澤物產可考
也夫天生五材皆爲民用故古聖王之世不貴珍異
凡物產之不關於民生日用者姑從其略可也

穀之屬八

稻

有秈有稞種不一類汜勝之云三月種秈稻四月種稞稻稞卽稞也然秈稞各有早中晚收之別秈稻不黏者也其早穫而尤不黏者曰秈最旱者曰六月報小暑卽熟曰江西早以種自江西來也曰等苞齊籽甲薄而米堅好曰苧麻鮮種須肥田懼風籽薄米白每石可舂米五斗五升曰銀條占米白粒長味甚芬田肥者宜之曰青稞占莖長而粒多曰百合占芒多穗長曰粳

八石鐵角稜二種芒長短不一曰無名占曰大粒占曰細粒占曰桂陽占曰矮脚占曰葉裏藏諸種早收中收各異俱不耐旱晚收之稔曰紅毛晚曰黑殼晚二種有芒耐旱曰瓣子晚穗長粒密亦耐旱曰深水晚夏種秋收性耐水能從深浸抽莖出水面但須厚壅曰香子晚性柔氣香曰駝兒晚曰琉璃晚復有亢地可藝者曰早穀甲黑米紅五月種十月熟 稷稻性黏卽詩所謂多稌者也其早穫者曰早稷曰脂麻稷二種作餅餌佳曰老來變一名泥裏變言不待曬也芒長粒大色白早熟釀酒最佳申收者曰卡雞稷芒多米寡曰馬牙稷粒長而白多蒸曬爲炒米曰塾倉底曰鶯翎白諸種俱不耐旱晚收者曰細葉柳曰陰山稷俱有芒曰虎皮稷有黃斑曰牛眼白甲黃性軟俱五月種十月熟曰豬齒稷甲黑米白稷中佳種曰香子稷性柔氣馨曰觀音臉曰金綫邊曰鴈嘴紅曰烏嘴稷曰女兒紅曰大粒稷又有色赤者曰紅稷性煖堪入

藥

麥

一名來俗爲小麥董仲舒云春秋於他穀不書至無麥禾則書之此見聖人於五穀最重麥與

禾也說文曰麥芒穀秋種厚蕕爾雅翼云秋種冬長春秀夏實具四時之氣其地暖處亦可春種夏收四氣不足故有毒性有南北之異北地燥麥晝花薄稈多麩食之宜人南方卑溼麥夜花性寒食多腹脹邑當江淮南北之交麥性勝於江南而不及河洛

牟

一作麩又作麥卽今大麥周所受瑞麥二百日而秀秀後五十日而成宜爲飯又可爲酢其蘖

可爲
餈

蕎麥

非麥屬以其屑麩如麥故亦以麥稱白居易詩云蕎麥鋪花白是也性弱畏霜唐高承簡

傳以蒞
爲蕎非

蜀秫

一名蜀稌種出於蜀羣芳譜云一名蘆稌一名高粱一名木稷有黏不黏二種釀酒作餅

餌作粥

飯皆宜

玉蜀黍

一名玉穀俗稱玉稷亦蜀種也

菽

爾雅翼衆豆之總名也邑有綠豆紅豆黑豆黃豆白豆卽飯豆蠶豆豇豆扁豆刀豆稽康養生

論豆令

人重

脂麻

有黑赤白三種一名芝麻一名油麻黑亦名巨勝子可入藥沈存中筆談云古者中國止

有大麻張騫始自大宛

得油麻種來故又名胡

蔬之屬二十有七

菘

有二種莖扁薄而白者曰白菜莖圓厚而青者曰青菜在諸菜中最耐久所謂秋末晚菘也

雅菘性隆冬不彫四時長見有松之捺故其字會意

芥

一名辣菜氣辛辣有介然之義種類不一古皆謂之芥菘

蘆菔

爾雅名蕘一名來服俗呼爲蘿蔔有長圓二種分紅白二色爾雅釋曰紫花菘也埤雅來

服言來蕘之所服也又胡蘿蔔種

出西域葉氣如蒿有紅黃二色

韭

一名嬾人菜通志云韭性溫謂之草鍾乳禮記謂之豐本說文一種而久者故謂之韭象形在

一之上一地也又利病人可以久食一歲之中不過五翦凡翦不用日中首春色黃未出土時

最美蘇東坡詩青

蒿黃韭簇春盤

葱

一名朮一名菜伯一名和事草爾雅翼古作膾春用葱脂亦用葱蒹軒辟鷄宛脾皆切葱薤實諸醢以柔之物之用葱者多故禮爲君子擇葱薤則絕其本末

蒜 大蒜爲葫說文云葷菜也隨法言切韻曰張寒使西域得大蒜胡葵以自胡中來故又名胡蒜

薑 說文曰禦經之菜也春秋運斗樞曰璇星散爲薑宋玉薑桂因地而生不因地而辛

菠薐 一名波斯草俗名菠菜劉禹錫嘉話錄出西域波陵國今訛爲菠薐唐會要太宗時尼波

維國獻菠薐菜類紅藍卽此

萵苣 一名萵笋一名生菜續博物志萵菜出萵國有小毒百蟲不敢近人中其毒薑汁解之

芹 一名水芙一名楚葵有水芹有旱芹周禮醢人加籩之實用水草則有芹蒞

蕘臺 俗呼油菜埠雅一名葑一名須爾雅曰須蓀蕘也今俗謂之臺菜

萵蒿 形氣似蒿故名光郡通志二月下種可爲常食秋社前十日種可爲秋菜

莧 埠雅有紅白紫三色爾雅曰蕘赤莧卽今紅莧是也莖葉皆高大而見故其字從見指事也字

說曰菹除
眩菹除醫

茄

一名落蘇酉陽雜俎別名昆侖瓜邑有紫白綠三色

瓠

埤雅瓠狀要類於首尾類於要微銳緣蔓而生有甘苦二種甘可食苦則與匏均剖爲瓢

壺

俗名葫蘆崔豹古今注曰壺盧瓠之無柄者也

瓜

埤雅製字象其實在鬚蔓之間色有黃瓜西瓜甜瓜東瓜南瓜絲瓜數種墨子曰甘瓜苦蒂天

下物無全美也稽聖賦曰瓜寒於曝油冷於煎

筍

爾雅竹萌冬出者佳黃山谷云根須辰日刷筍看上番成凡筍一番兩番出者成竹至第三番

者止可供食蒸煮炮酢皆宜東坡呼爲玉版禪師矣

蕨

爾雅曰蕨鯨初生無葉可食狀如大雀拳足又如其足之蹙也故謂之蕨邑南山皆有之根紫

色土人剝
取爲粉

芋

一名蹲鴟一名土芝葉如荷長而不圓畏旱宜
近水鄉人以肥土藝之大者爲芋頭小爲芋子

山藥

本名藟莫本草署預味甘溫是也爾雅翼唐
代宗諱預故呼署藥至本朝又諱上字故今

人呼爲山藥一名山芋秦

楚名玉延鄭越名土藟

百合

字書曰繼百合蒜也爾雅翼小者如大蒜大
者如椀數十片相累狀如白蓮花故名百合

言百片合成也人亦蒸煮食之味極甘非葷

辛類也但以根似大蒜故名蒜爾一名強瞿

番藟

種出南番有紅白二種邑產紅者土人呼爲
紅藟其大者曰玉枕光郡通志一莖蔓延至

數十百莖節節生根一畝種數十石勝種穀二

十倍宜高地沙地若遇澇年水退在七月中既

不及藝五穀即可剪籐種藟至於蝗蝻爲害草

木食盡惟藟根在地蝗齒不及若蝗信到時急

令人發土遍墮蝗去之後滋生更易凡有隙地數尺仰見天日便可種得石許此救荒第一義也故詳

志之

茭白

菰蔣也生水中取萌食之名菰菜中白莖如兒臂名菰手結實名彫胡米杜詩所謂波漂

菰米沉

雲黑也

珍珠菜

葶蓂花也一名花兒菜生南山中葉青莖長逢春結白葉蔕蕾如珠未綻者爲珍珠

既綻者爲花兒菜

蒸曬作蔬頗佳

白花菜

葉如杞而長抽莖中空開小白花邑處處有之味頗甘滑

馬蘭菜

生平地小葉抽莖開花淺藍色如小薊嫩時採以爲茹俗謂之馬蘭頭

果之屬二十有二

梅先春而華其實亦早古者以梅實薦饋食之籩所謂乾棣是也其實既酸故以和羹商書所謂

爾淮鹽

梅也

杏

五果爲五穀之祥而杏花又候農時四民月令三月杏花盛可菑白沙輕土之田汜勝之書曰

大麥生於杏小麥生於桃師曠占

術曰杏多實不蟲者來年秋禾善

李

爾雅翼李木之多子者故从子南方之果也春秋運斗樞曰玉衡星散爲李爾雅休無實李座

接慮李

駁赤李

桃

爾雅翼桃曰膽之夏小正六月煮桃桃實有毛故魯以黍雪桃也

桌

其實下垂故从鹵鹵者草木實垂鹵鹵然蓋象形也夏小正曰八月桌零零也者降也天官籩

人以爲饋食之豆又以爲加邊之實宋羅願曰五果之義春之果莫先於梅夏之果莫先於杏

季夏之果莫先於李秋之果莫先於桃冬之果莫先於棗五時之首寢廟必有薦而此五果適

丁其時故特取之

櫻桃

爾雅楔荆桃郭璞注今櫻桃一名含桃月令仲夏羞以含桃先薦寢廟唐詩所謂正是寢

園春薦後非闕御苑烏啣殘也

梨

一名果宗一名玉乳爾雅釋木梨山檮疏在山曰檮人植曰梨陶宏景別錄梨性冷利多食損

人謂之快果

棗

爾雅翼棗東相重棘東相連爾雅棗壺棗邊要棗檟白棗械酸棗楊徹齊棗遵羊棗洗大棗煮填棗蹶洩苦棗督無實棗還味稔棗詩八月剥棗大戴記剥者取也其修治則曰新之曰遠之以為饋食之籩其事父母舅姑者棗栗飴蜜以甘之凶歲亦仰焉

榴博雅若榴石榴也丹實垂垂若贅瘤也崔豹古
今注一名丹若

銀杏

左思所謂平仲也李善注云其實如銀名銀杏黃魯直稱爲鴨腳以葉似也俗名白果

柿

爾雅翼柿於經乃復罕見惟內則所加庶羞三十一物中有之實黃而大味甚甘亦暴而食之

橘

素華丹實皮既馨香又有善味渡淮則變故橘頌云后皇嘉樹橘徠服兮受命不遷生南國兮

春秋運斗樞曰璇星散爲橘又有甘橘其形似橘而圓大皮色生青熟則黃赤未經霜時尤酸

霜後甚甜故名甘子郭璞曰黃甘橘屬而味精

柚

孔安國曰小曰橘大曰柚列子曰吳楚之國有大木焉其名爲櫟碧木而冬生實丹而味酸食

其皮汁已憤厥之疾埤雅曰橙可登而成之柚視其外油然者也

香櫟

埤雅果名似橘學圃餘疏香櫟花酷烈甚於山礬結實大而香

落花生

俗名長生果花墜土中生實邑人多墾於山地較嶺越間差小

胡桃

土名核桃一名羌桃張騫自胡羌得其種故名李時珍曰腎果也

木瓜

爾雅楸木瓜郭璞注實如小瓜酢可食

蓮

爾雅其實蓮其根藕其中的的中薏

勃薺

土地栗生淺水中一莖直上狀如龍鬚色正青秋後採其根爾雅苟兒茨

茈菰

生下田中葉有兩岐如燕尾開曰花三出一莖收十二實遇閏則十三實

芡

爾雅翼雞頭也幽州人謂雁頭葉如荷而大葉上蹙訥如沸有芒刺兼有嘴若雞雁之頭實內

有米圓白如珠久食宜人菱與芡皆水物而性異芡華向日菱華背日其陰陽向背不同故損

益亦不同也周禮

以爲加邊之實

菱

一名菱一名薜若武陵記云四角三角曰菱兩角曰菱其花紫色畫合宵炕隨月轉移猶葵之

也
隨日

貨之屬十四

棉花

南史高昌國傳有草實如繭中絲爲細纒名曰白疊取以爲布甚軟白演繁露古貝草也

緝其花爲布麤曰貝精曰氎史炤釋文木棉江南多有之以春二三月下種既生一月三薹至秋生黃花結實及熟時其皮四裂其中綻出如綿

絲絹

出於蠶功有桑處亦飼蠶纒絲間有織者

苧麻

爾雅翼有實爲苴無實爲臬邑山產者瘠而韌圃藝者長而肥歲可三刈四五月刈者爲

頭水苧二三
以次而減

檉麻

爾雅翼泉屬葉似苧而薄實如大麻子今人績以爲布及造繩索或作蒟唐本草作蒟

藍

爾雅曰葳馬藍染草也馬藍葉如芥卽今大葉冬藍爲澱者是也蓼藍葉如蓼槐藍葉密細若

槐

紅花

崔豹古今注所謂紅藍也冬布種春生茵五月花如大薊露採暴乾以染博物志張騫得

種於西域

漆

爾雅翼木汁可以髹物象形漆如水滴而下木高二三丈葉如椿樗皮白而心黃六七月間以斧斫其皮開以竹管承之汁

滴爲漆邑南山亦漸有之

茶

陸羽茶經一日茶二日價三日葳四日茗五口

葳廛溪筆談宋時商城場買茶四十萬五百五十三斤賣錢二萬七千七十九貫四百四十六今南山間有之味亦劣於六霍

葛

說文絺絺草也通典載唐時光州歲貢葛十

疋宋史亦稱光山軍貢葛其後以無出免

紙

出蘇仙石山中土人搗竹及樹皮爲紙幅大者長二尺餘廣尺餘

木炭

山中土人伐薪爲炭然用多而物生不繼近日之值視昔且數倍矣

石炭

東南山中有之味臭穢微不能行遠

烟草

一名淡巴菰一名相思草

竹

類最繁錄其適用者箠竹質堅節促體圓而勁大者可爲篙竹譜謂之篁竹淡竹似篁而茂其

瀝及根葉並入藥苦竹卽箠竹味苦節疎水竹多生水際黃竹卽蘄竹宜箠材斑竹名湘妃竹邑中產者其斑痕不及湘中紫竹大者圓寸許毛竹一作猫竹出黃檗山禹貢所謂箠也

木之屬二十有二

松 陽木性宜黃土字說松柏木之長猶公故字從公

柏 六書精蘊陰木也木皆屬陽而柏向陰指西蓋木之有貞德者故字從白白西方正色也

桐 陳翥桐譜列六種紫桐白桐膏桐刺桐蘋桐梧桐邑產油桐卽膏桐子如薤可榨油泡桐卽白

桐花如牽牛爾雅榮桐木卽此今亦謂之荑桐青桐卽梧桐實如胡椒遁甲書所謂有閏則十

三葉者也

梓 爾雅椅梓郭璞註卽楸陸璣草木疏楸之疏理白色而生子者爲梓埤雅梓爲百木長故呼梓

爲木王爾雅翼屋室有此木則餘材皆不震

槐 春秋說槐者虛星之精淮南子槐之生入季春五日而兔目十日而鼠耳更旬而始規二旬而

成葉

桑

典術曰桑箕星之精詩疏爰求柔桑穉桑也猗彼女桑萸桑也蠶月條桑枝落採其葉也史記

齊魯千畝桑麻其人與千戶侯等

檀

強韌之木中車輻有紫白二種

櫛

羅願曰木類松而勁直葉附枝生若刺針徐鉉曰俗作杉非

楊

古今註白楊葉圓青柳葉長核楊圓葉弱蒂微風大搖赤楊霜降則葉赤材理亦赤又黃楊埋

雅黃楊性堅緻難長歲

長一寸閏年倒長一寸

榆

爾雅榘莖郭注今之刺榆唐風山有樞是也又無姑其實夷郭注無姑姑榆也生山中葉圓而

厚所謂蕪萸又榆白粉

陳風東門之榆是也

柳

埤雅柔脆易生之木與楊同類縱橫顛倒植之皆生一種葉肥濶而稍圓者俗名胖柳邑多有

之

檉

說文河柳也爾雅翼葉細如絲婀娜可愛天將雨檉先起氣以應之故一名雨師而字從聖凡

一年三秀本草衍義謂之三春柳詩疏廣要檉非獨知雨又能負霜雪大寒不凋有異餘柳

榭

本草圖經榭木高丈餘與櫟相類亦有斗唐許渾詩古木高生榭是也

櫟

爾雅櫟其實椹椹也葉長者爲榭缺者爲櫟其子俗呼椹栗浸而磨之澄爲粉可食殼曰椹斗

可染

柘

說文桑屬蠶書飼蠶爲絲中琴瑟弦清響勝凡絲考工記弓人取材柘爲上埤雅柘宜山石柘

宜山阜古今注桑實曰葚柘實曰佳又本草奴柘似柘節有刺冬不凋

柏

烏柏本名烏楷唐本草作烏白陳藏器曰葉可染皂子壓油塗頭全白變黑爲燈極明又名鴉

舅陸龜蒙詩所謂行
歇每依鴉舅影也

楓 說文厚葉弱枝善搖一名彙爾雅楓楸楸郭璞
注云樹似白楊葉圓岐有脂而香埤雅葉作三

脊霜後色丹

謂之丹楓

杞 嚴粲詩緝杞柳屬鄭風無折我樹杞孟子所謂
杞柳也又山木類篇似豫章左氏春秋杞梓皮

草自楚往也邑故楚
地故產此與枸杞異

椿 類篇同椀禹貢作椀左傳作楸說文作樛皆一
物也高聳易長初春芽葉微赤采食甚美

樗 似椿一理疏蘇頌云椿葉香可啖樗氣臭北人
呼爲山椿江東人呼爲鬼目詩薪樗卽此

楮 說文穀也酉陽雜俎葉有辨曰楮無曰構江南
人績其皮以爲布又搥以爲紙崔豹古今注楮

實曰
佳

藥之屬三十有八

并間 張揖解上林賦并間椶也木高一二丈傍無枝葉大而圓如車輪皆萃於木杪其下有皮重疊褻之每皮一匝爲一節其花黃白結實作房如魚狀皮用最廣二旬一割則葉轉復生

黃精

張華博物志太陽之草食之長生卽黃精也

茯苓

淮南子千年之松下有茯苓滇產者良邑南山亦有之赤白二種其抱木者曰茯神

何首烏

有赤白二種蔓生一名夜交藤

蒼朮

大如拇指蒼黑色出茅山者良邑產不逮也

石斛

一名遂一名杜蘭唐書光州貢石斛其莖狀如金釵之股故古有金釵石斛之稱

天門冬

爾雅藟蘼冬一名蒲冬後人省蘼爲門

麥門冬

葉如韭四季不凋根有鬚作連珠形四月開花淡紅如蓼實圓碧如珠秦名羊韭齋

名愛韭楚名馬

韭越名羊薯

香附子

莎草根也一名雀頭香

桔梗

狀類薺萋而白

石菖蒲

生石磧間九節者良又陂澤中有水菖蒲名溪蓀

金銀花

亦名忍冬其籐左纏又名左纏籐一名鴛鴦籐花黃白相半性能散毒莖葉及花功

用皆同邑
產頗多

茴香

一作藿香有二種大如薔粒有細稜小者謂之蒔蘿

貝母

一名茴又作蝨詩言采其蝨是也

車前子 詩謂采采芣苢也

益母 功宜婦人爾雅荏菹陸璣疏荏菹益母也會子見之感恩

茵陳 一作莖蘼兼宜蔬品少陵詩云茵陳春藕香

紫蘇 爾雅謂之桂荏色紫氣芬野生亦多藝之圃地

薄荷 似荏而長亦宜蔬品

荆芥 類蘇而色青故呼假蘇圃蒔為蔬野生者入藥

椒 說文茱也爾雅椒檛醜菜注茱萸子聚生成房貌詩疏椒樹似茱萸有針刺葉堅而滑澤

山茱萸 產南境山中性酸瀆與吳茱萸異用

王不留行 野生高一二尺花如鈴鐸實如燈籠有五稜性行而不住故名

豨薟 一名希仙宋張詠進豨薟丸表云金陵銀繚素莖紫莖對節而生頗同蒼耳

馬兜鈴 根名青木香

苦蕒 一名灰蕒蔓生根澄粉名天花粉

葶麻子 亦作薺麻子無刺者良

蒲公英 圖經作僕公瞿又名黃花地丁

米殼 卽瞿粟花子

瞿麥 卽石竹一名洛陽花

射干 卽扁竹花根

黃檗 出西南黃檗山

鴉不食草 卽石胡荽

旋覆花 一名滴滴金 一名金沸草

菟絲子 爾雅云唐蒙 一名金線草

旱蓮草 一名鰾腸 一名墨菜 莖柔斷之有墨汁
似柳而澤莖似馬齒莧 高一二尺開細

花實若
小蓮房

二丑 卽牽牛花子有黑白二種

淡竹葉 卽翠蛾眉葉

女貞子 卽冬青子 一名萬年枝 五月開細白花
子如豆

禽之屬三十

烏廣雅純黑反哺者謂之烏爾雅翼孝鳥也始生母哺之六十日至子稍長則母處而子反哺其

小而腹下白者爲鷓

鷓鴣

爾雅翼孝鳥一名祝鳩又名鴉鳩似斑鳩而臆無繡采又頭有贅物之拙者不能爲巢天

將雨則逐其雌霽則呼而反之棊操曰舜耕歷山思慕父母見鳩與母俱飛鳴相哺食感恩作

歌今之

青鷓

鴛鴦

匹鳥也崔豹古今注鳧類雌雄未嘗相離

鷓鴣

爾雅王雉郭注今江東呼之爲鷓好在江渚邊食魚周南關關雉鳴在河之洲先儒稱其

擊而有

別也

黃鸝

一名倉庚齊人謂之搏黍秦人謂之黃流隴冀謂之黃鳥一名黃栗流一名鸞伐木之詩

以况友聲也爾雅翼此鳥惟好雙飛故鵬字从
麤又曰鵬必匹飛東山之末章以比之子于歸
也者

鵲

爾雅離渠注雀屬飛則鳴行則搖不能自捨
詩謂兄弟相救於急難唐明皇時數十集麟
德殿廷木翔棲浹日魏光乘

作頌以爲天子友梯之祥

鷺

爾雅春鉏禽經曰鷺飛則霜鷺飛則露其名以
此步於淺水好自低昂如春如鉏故曰春鉏李
時珍曰水鳥也潔白如雪頂有長毛十數莖毳
毳然如絲林棲水食羣飛有序故朝班稱爲鷺
序

錦鷄

說文鷺赤雉也一名錦鷄一名鷄鷄周禮司
服王饗先公饗射則鷺冕釋名性急慤不可
生服故畫其形於衣以

象人執耿介之節也

雉 春秋蓮斗樞曰璣星散爲雉禮六摯士執雉取其守介而死不失節也韻會漢人諱之謂雉爲

野鷄又長尾者爲

鷄今俗呼山鷄

鷓 似山鷄白質黑章尾長三四尺距觜純丹亦有青黑者張華曰行止閑服故名

鵠 今之布穀也詩傳作秸鵠前漢鮑宣傳作秸鵠江東謂之獲穀催耕鳥也其鳴曰葛公葛

婆割麥

插禾

鴨 一名批頰催明鳥農人候以駕犁故亦名駕犁李時珍曰一名烏白三月後五更鳴架架

格格者也身小黑色修尾善爲巢於最高柯繫馬尾數莖懸桑而成京師謂之夏鷄歐陽文忠

詩龍樓鳳閣鬱崢嶸深宮不聞更漏聲

紅紗蠟燭愁夜短綠意鴨鳴催天明

鵲 一名乾鵲一名鷓鵲季冬始巢背太歲而向太乙來歲多風巢必卑下其名啾啾故謂之鵲靈

能報喜故謂之喜鵲性最惡溼故謂之乾鵲陸佃曰傳枝受卵不墮地故曰乾鵲莊子鳥鵲猶

注傳枝而孚生也
因傳枝而名鵲鵲

鵲

水鳥好水將雨則鳴禽經仰鳴則晴俯鳴則陰鵲感於陽故知夜半鵲感於陰故知風雨陸

景曰頭無丹項無鳥帶身似鵲不善唳但以喙相擊而鳴似鵲而巢樹者為白鵲黑色曲頸者

為鳥
鵲

鸞

俗呼山喜鵲似鵲而長尾背脚赤說文翰鸞也鸞也知未來事鳥也

鸛

一名寒臯俗呼八哥又呼唼唼鳥似鵲而志積陸佃云黑兒剔其舌端教以語言甚慧李

時珍曰此鳥好浴水其睛瞿瞿然故名
考工記鸛不踰濟左氏謂之爰居也

鷓鴣

說文桃蟲也一名鷓鴣俗呼黃脰雀喙銳如錐善鬪

鷓爾雅鷓天鷓郭注大如鷓雀色似鷓好高飛作聲江東名之日天鷓俗呼告天鳥其鳴如龠張

協七命所謂丹穴之鷓也

鳧

野鴨也埤雅鳧好沒鷺好浮鷺一名鷗蒼黑色羣飛鳴隨潮往來日信鳧知風起輒飛至岸

鷓鴣

說文似鳧而小膏可塗刀蒼白文多脂脚連尾不能陸行常在水中一名油鴨

鶻

爾雅鶻麋鶻注今呼鶻鶻韓詩外傳鶻胎生也大如鶻青蒼色亦有灰色者長頸高脚頂

無丹兩頰紅南人呼爲鶻鶻

鶻

廣韵鶻鶻大如鷓雛頭細而無尾有斑點雄鶻足高雌者足卑淮南子田鼠化爲鶻又畢萬術

蝦蟆得瓜化爲鶻交州記南海有黃魚九月則化爲鶻陸佃云鶻無常居而有常匹故尸子曰

堯鶻

居

杜鵑

一名子規一名嵩周一名謝豹寰宇記蜀王杜宇號望帝立鼈靈爲相後因禪位自亡去

化爲子規李時珍日狀如雀鷓而色慘黑赤口有小冠春暮卽鳴夜嘯達旦鳴必向北至夏尤甚晝夜不止其聲哀切自呼不

如歸去農家候之以興農事

鴿

鳩屬周禮庖人掌供六禽註雁鷓鷃雉鳩鴿逐月有子又名鶉鴿唐明皇呼爲飛奴

鷓鴣

說文小類班鳩埤雅臆前有白圓點文多對啼常向日飛畏霜露蚤晚稀出有時夜飛

以木葉自覆其背志常南向不思北徂雖東西回翅開翅之始必先南翥故一名懷南自呼云鈎輻格磔行不得也哥哥

白頭翁

爾雅鷓鴣鳥郭注似雉青身白頭

鴛

爾雅鴛鴦木異物志此鳥有大有小褐者雌雄者雄又一種青黑色頭上有紅毛土人呼山

木王元之詩淮南斲木大如鴉頂似仙鶴堆丹砂埤雅鴛善爲禁法能曲爪畫地爲印則穴之

塞自開飛卽以翼墜之

百舌

字林鵲鷦似伯勞而小卽反舌鳥也爾雅翼反舌春始鳴至五月止能反其舌反易其聲

又名百舌李時珍曰百舌狀如鷓鴣而小身畧長灰黑色微有斑點喙亦尖黑行則頭俯

畫眉

有白眉長如畫善鳴亦善鬪

山和尙

似山鵲而大好事者籠而畜之能使效人語

獸之屬十有三

虎

爲山君黃毛黑章鈎爪鋸齒夜視一目放光一目看物埤雅虎奮衝破又能畫地卜食方言

淮南楚之間謂之李耳注云虎食物值耳而以觸其諱故然邑多崇阜遼谷易爲虎穴然

江化行虎皆東
渡豈偶然耶

豹

小於虎毛亦黃其文黑如錢而空中南山亦
之所謂君子之變其文蔚也

鹿

爾雅牡麋牝麋其子麋爾雅翼曰六爲律律云
鹿故鹿六月而生麋與鹿爲友鹿陽獸夏至

陰氣而角解麋陰獸
冬至得陽氣而角解

麋

羅願云麋之性怯又謂之獐章者章皇也爾
牡麋牝麋其子麋

麂

爾雅翼麋大麋毛尾狗足能上木好作聲字
曰麂虎所在必鳴以告鹿屬憑而安者宋符

志曰刑罰得
申則銀麂至

豺

似狗牙如錐足前矮後高而長尾其色黃瘦
今人稱豺狗羅願云世傳狗爲豺之舅見狗

跪亦相
制耳

狼 似大碗頭青色白頰前廣後狹壽三百歲則解變化

狐 妖獸其狀銳而大尾說文云狐有三德其色中和小前大後死則邱首埤雅狐性好疑獬性好好睡

貉 似狐毛黃黑色善睡其營窟與獾皆爲曲穴以避雨賜貉各也與獾同穴而異處獾之將出貉

爲先導

狸 有數種方口脫頭爲虎狸好食果實俗名果子狸有黑白錢文相間者爲九節狸面白者爲玉面狸頭圓大尾毛雜黃黑有斑如貓者爲貓狸善竊鷄鴨者呼爲野狸

兔 視月而有子今世卜兔之多寡者以八月之望是夜深山大林中百十爲列延首月影中月明則一歲兔多月暗則兔少是直顧兔之氣而孕也然兔自有雌雄不專視月木蘭詩所謂雄兔

脚撲朔雌兔
眼迷離也

竹鼯

一名竹狔似貉而小毛灰色居士穴好食竹萌肉肥美卽杜甫所謂竹根稚子也

松鼠

一名鼯似鼠有青黃長毛頭鬚似兔而尾毛更長善鳴好食松子故名

鱗之屬十有九

鯉

神農書鯉爲魚王無大小脊旁鱗皆三十有六有赤白黃三種不相食易長相傳歲三月桃花

漲河鯉登龍門

悉化爲龍也

魴

陸璣云廣而薄肥恬而少力細鱗魚之美者爾雅魴魴注江東呼魴魚爲魴劉弇詩歸釣潭頭

楓葉

鱖

鮒

爾雅翼似鯉色黑而體促肚大而脊隆今謂之鮒其味最美儀禮士婚禮魚用鮒疏義取夫婦

也依附者也陸佃曰此魚好旅行吹沫如星以相卽謂之鯽以相附謂之鮒易曰井谷射鮒鯽也杜工部詩

鮮鯽銀絲脰

鰕

爾雅翼巨口而細鱗鬚黃背黑章皮厚而肉緊特異常魚昔仙人葛洪嘗食石桂魚今

此魚猶有桂名恐是此也俗呼鮮花魚

鱖

白魚別名博雅鮠鱖也說苑寤子賤爲單父宰陽晝謂之曰投綸錯餌迎而吸之者陽鱖也肉

薄而不美邑產大者數斤味與魴等地氣使然也

鮠

今鱖魚似鱖而大俗呼草魚以其食草也

鯖

形似鮠青色有枕骨食螺蚌俗名螺蛸青本草圖經青魚古作鯖所謂五侯之鯖是也

鱮

陸璣疏鱮或名鱮郭璞曰鱮似鱧而黑爾雅翼大頭而細鱗俗呼鱮頭魚一名青鱧

鮠 博雅鮠也陸璣疏鮠徐州人謂之鮠一名白鮠
邑此種最繁

鱧 羅願云魚圓長而斑點有七星作北斗之象夜
則仰首向北而拱焉有自然之禮故从豐

鱒 埤雅似鱒魚而細鱗鱒赤眼孫炎正義口鱒好
獨行制字从尊殆以此也

鱗 白鱗也其形纖長而白故曰白鱗又謂白儵好
游水上

鯊 刀魚也長頭而狹薄其腹背如刀刃故以名大
者長尺餘可以爲鱠

鯪 爾雅翼偃額兩目上陳頭大尾小身滑無鱗謂
之鮓魚一名鯪魚此魚及鮓鱒之類皆謂之無

鱗魚食之
蓋不益人

鱒 爾雅翼似蛇而無鱗黃質黑文體有涎沫生水
岸泥窟中俗呼黃鱒

鰻鱺 一作鰻鱺李時珍云似鱒而腹大尾似鮓青
白色俗呼白鱒

鱒 或作鮒爾雅謂之鱒生下田淺淖中俗呼泥鮒

蝦 爾雅翼多鬚善游而好躍爾雅鱗大蝦

呱呱魚

金剛臺烏龍潭內多有之形甚怪或云龍種將雨則鳴許自期詩烏龍潭畔叫呱呱

是也

介之屬五

龜

甲蟲之長水經注褚先生論神龜出於江灌之間嘉林之中灌水導源邑黃檗山

鼈

卵生形圓四圍有鬚一名腳魚一名甲魚三足者爲能不可食

螺

一作贏俗呼螺螄生水田中

蚌

又作蚌爾雅蚌含漿生陂澤間其肉與月虧盈

蛤蚧

與蚌同類異狀長者爲蚌圓者爲蛤又小者曰蜺子

蟲之屬二十有四

蠶

爾雅翼蠶之狀喙咄咄類馬色斑斑似虎初拂謂之氈以毛掃之蠶尙小不欲見露氣桑葉著懷中令暖然後切之得人氣則衆惡除也荀卿賦曰三俯三起事乃大已俯謂之眠邑南山有者飼之

蜂

凡數種在地中作房者謂之土蜂似土蜂而小結窠於樹者爲木蜂黑色者爲烏蜂卽果蠃黃色細腰者爲黃蜂埤雅一名穉蜂釀花爲蜜者謂之蜜蜂一名蠟蜂有兩衙應潮其主之所在衆蜂爲之旋繞如衛誅罰

徵令絕嚴有君臣之義

蝶

爾雅翼胡蝶以芳時飛集花間翩翩相逐物之適意者唐滕王圖畫峽蝶有江夏斑大海眼小

海眼村裡來菜花子之日埤雅蜂蝶醜皆以鬚臭鬚蓋其鼻也杜工部詩花蕊上蜂鬚以此

青蛉

有青赤黃三種色青而大者曰青蛉一曰青亭亦曰蜻蛉小而黃者曰胡黎一曰胡離小

而赤者曰赤卒一曰絳騶一名赤衣使者亦名赤弁丈人好集水上所謂點水蜻蜓款款飛也

蟬

方言楚謂之蜩九十月鳴者曰寒蜩蠶海集蟬近陽而依於木以陰而爲聲後漢輿服志侍中

中常侍黃金璫附蟬古今注蟬取其清虛識變也

螳螂

埤雅有斧蟲也深秋孔子至夏之初乃生捕蟬而食執木葉以自蔽充人謂之拒斧一名

不過爾雅不過

螳螂其子蟬蛸

蟋蟀

似蝗而小正黑有光澤一名蜚一名促織易通卦系曰蟋蟀之蟲隨陰迎陽居壁向外趨

婦女織績女工之象詩疏一名蜻蛉張載詩俯聞蜻蛉吟

莎鷄

爾雅翼其狀頭小而羽大有青褐兩種率以六月振羽作聲連夜不止如紡絲之聲故一

名梭鷄一名絡緯今俗人謂之絡絲娘能食瓜莧之屬

鼈鼃

爾雅鼃螿郭注今江東呼螿螿在地中布網者土鼈鼃絡幕草上者草鼈鼃爾雅翼布

於簷四隅狀如罍自處其中飛蟲有觸網者以足頓網使不得解古人稱太昊師鼈鼃而結網故張望賦云吐自然之纖緒先皇義以結網

蠨蛸

小蜘蛛長脚者俗呼爲喜子劉勰新論野人晝見蟪子者以爲有喜樂之瑞

螢

爾雅翼夜飛之蟲腹下有火腐草及爛竹根所化赴燈之蛾以螢爲雌故誤赴火古今注一名

暉夜又名景天亦名夜光亦日宵燭車武子所爲囊以繼晷也今有一種蟲如蛆尾亦帶火但

無翼不飛名爲蛆螢

蠶

爾雅翼飛蠶蠶之有翅者蓋柱中白蠶所化也

白蠶狀如蠶卵凡斬木不以時及木未燦而作至或柱礎去地不高則是物生相傳竹鷄鳴則此物化爲水

蠅

雅有青蠅風有蒼蠅皆逐臭之物邑此物頗少

蠹

一作蚊續博物志地溼則生蚊爾雅翼蚊者惡水中孳子所化嗜人肌膚其聲如雷又蚊子樹

實類枇杷熟則自裂蛟盡而殼空矣

蜥蜴

爾雅翼似蛇而四足長五六寸生草澤中陶隱居以爲其類有四形大純黃色者名蛇醫

其次似蛇醫而小形長尾見人不動者名龍子小而五色尾青碧可愛者名蜥蜴形小而黑喜絲牆壁者名蠃蜥古求雨法以大甕貯水插柳枝泛蜥蜴使青衣小兒環繞呼曰蜥蜴蜥蜴與雲吐霧降雨滂沱放汝歸去此亦象龍致雨之義曹叔雅異物志曰魚跳躍則蜥蜴从草中下

稍相依近便共浮水上而相合其蛇醫或名師或云蛇母舅蛇體有傷此蟲輒銜草傳之有醫之號或曰口常含電蛇若有病則以電之蠅蜒一名守宮又名壁宮以其常在屋壁有守之象舊說蛇醫龍子蜥蜴三者並不整蠅蜒乃閭蜃人必死然未聞有中之者特善蠅耳故俗號蠅虎又一種色似而能入水者名水蜥蜴

蛭

水中蟲入人肉者爲蛭有石蛭草蛭泥蛭之並能傅著人及牛馬股間啞其血甚者入產育爲害水田多有之耘者以爲苦古法此啗瘡者卒求之不可得崔知悌令兩京急預養之以備緩

急一名馬蠚

樗鷄

光郡通志生樗樹上一名紅娘子郭璞注樗鷄一名莎鷄非是

蚰蜒

爾雅蝻銜入耳郭氏曰蚰蜒自關而東謂蝻銜方家說蚰蜒大者如釵股色正黃其

無數如蜈蚣狀此蟲好脂油香入人耳故因以爲名梓人謂此爲卻行之蟲今蝸牛之無殼者俗呼蜒蚰延緣牆壁陰處體

多涎沫黏處蜈蚣常避之

螂蛆

爾雅蒺藜螂蛆廣雅曰螂蛆蜈蚣性能制蛇莊子曰螂蛆甘帶是也

蛇

埤雅魚屬運行蛇屬紆行詩曰委蛇委蛇蓋取諸此太史曰大直若曲道固委蛇有是哉此之謂也舊說蛇盤向壬壬北

方也邑水草陰溼處有之

蝸

似蜒蚰而角長脊有殼如螺負之而行人驚之則縮入殼中緣牆壁黏跡縷縷所謂蝸篆者也

蝦蟆

跳躍陂澤間皮有黑斑一種名蚶蚩俗呼癩蝦蟆背多痲磊一名蟾蜍端午取其首白膏

爲蟾酥一種名蛙似蝦蟆而背青綠色鳴聲甚喧月令蝮蝮鳴是也俗呼爲田鷄可食

蚘

爾雅翼無爪牙之利筋骨之強上食高壤下飲黃泉勸學者取之以爲其用心之一又名曲蟻

夏夜好鳴故江

東謂爲歌女

蟻

爾雅蚘蟥大蠧小者蠧莊子曰道在螻蟻蠧有君臣之義故其字从豈亦或從義

花之屬六十有二

蘭

說文香草也陸佃云闌草爲蘭闌不祥也爾雅翼一幹一花而香有餘者蘭卽邑歐蘭一名報

先春俗名一枝蘭葉細長青一莖一花秋發蕊冬盡春初開花有紫心素心之別香頗幽靜可供一月之玩江南人以爲香祖又一種葉稍潤而無香者土人名爲水蘭其卽古所謂水香歟

瑞香

一名蓬萊花有紫白紅三色本不甚高而枝幹婆娑隔年發蕊蓓蕾於葉頂立春後卽闌

花如丁香者其香更濃葉邊有黃暈者名金邊瑞香又有似楊梅葉者或球子者攣枝者又名

麝囊能損花宜另植

結香

俗名黃瑞香於葉皆似瑞香花色色驚黃差長花謝生葉香次之枝柔韌可縮結故名

迎春

一名腰金帶灌生高數尺方莖厚葉對節生枝一枝三葉花淡黃色交春即放

玉蘭

古名木蘭樹高大而堅花開九瓣碧白色如蓮心紫綠香似蘭隆冬含蕾皆着木末

辛夷

一名木筆一名望春較玉蘭樹差小花開似蓮外紫內白葉類柿而長別名侯桃

蕙

一名九節蘭葉同歐蘭而長勁過之一莖發八九花香次於蘭

丁香

一名百結有紫白二種春初開細花攢茁枝杪清香襲人葉似紫荊

桃

花之千葉者紅名絳桃淺紅名緋桃白者名碧桃粉白者名細桃紅白二色者爲合歡桃一種

樹矮而花千葉實大者名壽星桃

紫荊

葉似柿花形似槐棘枝綴蕊紫紅色一名滿條紅

海棠

叢生單葉綴枝作花盤口深紅正月卽開者貼梗也木堅多節枝密條暢二月開花五出

蒂長寸餘或三五成叢初開如胭脂漸如纈暈漸如淡粉者西府也梗長瓣密重英下垂色更嬌媚者垂絲也邑皆有之

棠棣

一名郁李樹高不過五六尺枝葉似李而小實如櫻桃而赤味酸甜可食花有赤白粉紅色最嬌艷如紙剪簇成上承下覆繁縟可觀似有親愛之義故以喻兄弟

蒂棠

灌生葉似荼蘼多尖而小邊如鋸齒三月開黃花圓若小球一葉一蕊繁而不香

薔薇

一名買笑又名刺紅籐木青莖多刺葉尖小而繁經冬不落雅宜結屏種色不一深紅薔

薇大花粗葉最先開荷花薔薇千葉淺紅似蓮刺梅堆千葉大紅花如刺繡所成開最後又有淡黃鶯黃金黃之異爲薔薇中之上品但易盛而難久白者類玫瑰而無香

野薔薇 一名雪客葉細而花小其本多刺蔓生
落間花有純白粉紅二色皆單瓣不甚可

觀惟香味甚甜可蒸作露

十姊妹

又名七姊妹花似薔薇而小有紅白紫淡紫四色千葉醬口一蓓千花或七花故有

名是

茶蘼

一作酴醾歲時記本酒稱花色似之故名一名佛兒笑蔓生多刺綠葉青條承以架則繁

色白而香者大朶千葉每一穎著三葉如品字一種青柎紅萼大放則純白一種蜜色者不及黃薔薇枝梗多刺而香又有紅者俗呼番茶蘼不香

玫瑰

一名徘徊花花類薔薇而色紫香膩馥郁愈乾愈烈

月季

一名鬪雪紅俗名月月紅灌生枝幹多刺而不甚長四季開花有深紅淺白之異與薔薇

相類而香
尤過之

牡丹

不及洛陽有大紅粉紅紫白數種

芍藥

有紅白淺深數色

荷包牡丹

一名魚兒牡丹以其葉類牡丹花似荷包因得是名一幹十餘朵纍纍相比以

次而開色
最嬌艷

粉團

一名繡球花樹皮體皴葉青而微黑有大小二種麻葉小花一蒂攢聚初青後白圓如流

蘇儼然一球花邊有紫暈者爲最
俗以大者爲粉團小者爲繡球

木香

灌生附木葉比薔薇細小而繁四月初開小白花每穎三蕊香甚清越一種青心大白花

者香味不及又一
種開黃花者不香

虞美人

原名麗春一名蝴蝶滿園春花葉類罌粟而小莖細有毛一葉生莖端兩葉相對在

莖之半發蕊時下垂花開始直單瓣叢心五色俱脩姿態輕盈聞歌飛舞故名

紫羅欄

俗名墻頭草喜高阜墻頭一名高良薑葉如蒲而短濶四月中挺幹發蕊類蝴蝶花

而大紫

翠宜人

山躑躅

一名映山紅似杜鵑單瓣五出而差大有紅紫二色其白者藍者尤珍有黃色者謂

之邏
陽花

剪春羅

一名剪紅羅苗高一二尺葉如冬青而小攢接直上入夏每莖一花六出緋紅周廻

茸茸似剪刀痕有色無香不若剪秋紗之鮮麗也

梔

一名木丹單瓣結實者爲山梔重瓣而小者爲水梔花葉俱大者甚香謂之林蘭謝康樂賦林

蘭近雪而揚猗言白也苑書名薈
荀陸魯望詩薈荀冠諸香言香也

榴花

一名丹若千葉者自初夏開至秋杪或一朵而朱白相錯謂之錦榴又有黃色白色二種

蜀葵

一名戎葵葉似桐花似木槿從根至頂次第開放千葉五心重臺剪絨鋸齒者佳色有淺

紅大紅深紫淺紫白色
墨色之異又名一丈紅

錦葵

一名錢葵叢生葉如葵而小粉紅單瓣有紫縷紋最繁而耐久

苳

通作護薏一名宜男葉似蘭而弱花有三種千葉者金黃色微帶紅暈初夏即開一後開單

葉枝勁結子圓黑俗名石蘭一種色如
蜜者花差小而香清葉細可乾之爲茹

石竹

又名繡竹枝葉如茗纖細而青翠夏開千葉如剪茸五色俱備其單瓣者名洛陽花子即

麥瞿

虎耳草

一名石荷葉俗名金絲草葉類荷錢有紅白絲繚繞其上三四月開小白花

夜合花

一名摩羅春卽百合苗高二三尺葉細而長四面攢枝直上至杪始著花四五月開

蜜色紫心香味最濃日舒夜斂花大常傾如玉手爐狀又名天香又一種如萱花紅質黑點似虎紋而瓣俱反捲一葉柄生一子俗名回頭見子茂者一幹兩三花無香根與百合同而味苦劣一種根葉似夜合而細小花色朱紅茂者一幹亦三四花無香更夕卽謝名山丹一種名麝香花類天香短而葉繁開於四月天香開於五月之不同

鳳仙花

一名小桃紅又名菊婢葉似桃而有鋸齒花形宛如飛鳳有重葉單葉並頭各種色

有大紅粉紅深紫淺碧五色之異又一種葉上生花名飛來鳳花可染指故又名指甲花

荷花

一名水芝其蕊曰菡萏其根曰藕應月而生遇閏則十三節花有紅白二色其異者有四

面蓮並頭蓮重
臺蓮佛座蓮

地湧金蓮

生平地葉如芋芍花開金黃色如小蓮
花枝幹婆娑色狀甚異

扁竹

一名蝴蝶花一名烏雲葉如蒲而短濶六月
開五出金黃花上有赤色細點儼若蝴蝶秋

結實作房一房四膈
一隔數子根即射下

金絲蝴蝶

灌生赤莖葉似柳而圓濶夏初開單瓣
黃花吐金鬚婆娑花外丰致翹搖

合歡

一名獨念樹似梧桐葉似槐而繁細晝炕夜
攝夏開紅白花茸茸葉上秋作莢極薄一名

馬纓
花

紫薇

一名百日紅白者曰銀薇又有紫帶藍者曰
翠薇俗呼爲怕癩樹枝幹光滑無皮人若搔

之則無風自動六月始花接續可至
九月故有百日之稱唐中書省重之

鼓子花

一名纏枝牡丹又名轉枝蓮葉似薯蕷小而狹長蔓延籬落花開如拳粉紅色不放

頂幔如
缸鼓式

鐵線蓮

蔓生附物而長夏初抽細條如鐵線上開松綠色花單瓣似蓮

木槿

卽詩舜華有大紅粉紅紫白四色千瓣者佳

玉簪

葉似車前而大秋初抽莖莖有細葉葉生一花未開形如玉搔頭又紫玉簪比白者差小

而無香先
一月而開

鷄冠

一名波羅奢赤莖葉似雁來紅花脩五色宛如鷄冠故名其矮者爲壽星鷄冠卽玉樹後

庭花
也

秋葵

俗呼側金盞葉岐出如龍爪秋開花六出淡黃大瓣心深紫朝開幕落

秋海棠

一名八月春餘葉脆弱色若西府而妍冶過之爲秋色中第一

桂

一名棧一名木樨有金桂銀桂丹桂三種又有月桂四季桂之異

秋牡丹

一名秋芍藥以葉似故美其名花單瓣似菊黃心有紫紅白淺紅諸色俗名藍菊

老少年

一名雁來紅本高四五尺秋中腳葉深紫頂葉大紅愈久愈妍其枝頭亂葉叢生紅

紫黃綠雜出者名錦西風一名十樣錦其根葉綠而頂葉純黃光彩燦爛者爲雁來黃

菊

爾雅治藹今之秋菊花也類甚繁有太師蘇菊洋菊之別花脩各色月令曰鞠有黃華周書曰

菊不黃華土不稼穡是應土之驗爾雅翼曰季秋寒露後五日始有華華得土之正色

芙蓉

一名木蓮一名拒霜葉似梧桐大而尖秋深開花類蜀葵有大紅粉紅純白諸色惟大

紅者花大而四面有心一種
早白午紅晚紫者名醉芙蓉

長春花

一名金盞草草似柳而厚抱莖對生莖上

吉祥草

叢生葉似蘭而柔短四時青綠不凋花不易發開則主人有喜

萬年青

一名藍潤葉叢生深綠色冬夏不萎

長生草

一名豹足一名萬年松卽卷柏也似柏葉而細碎卷曲如鷄爪色脩青黃綠高三四

寸彌歲

長青

仙人掌

體扁狀若掌膚色青綠有細點而無枝葉

關天竺

一名大椿幹直上而叢生葉四散孺者短而多子梗者高不結實經冬不凋雪中子

纍纍赤

如珊瑚

梅

有數種柑蒂純綠者綠萼梅花大而微紅者玉蝶梅花開朶朶向下而香濃者照水梅白花檀

心紫蒂者江梅王荆公稱爲花御史也千葉實小而色紅者紅梅色純赤而紫艷者朱梅花開後心中又放一小蕊者臺閣梅蠟梅本非梅種以開同時而花相近黃魯直以色如蠟名蠟梅有荷花罄口虎躡狗蠅數種素心而重瓣者香尤勝

〔陵墓〕

漢

商王墓

在縣北一里事詳封爵

上官桀墓

通城畷隧道昔人因獵掘入見存石刻漢通城侯上官桀之墓

胡太子墓

昔傳有太子出家於其寺尙圖有遺跡在隔溪田阜中事無考

花將軍墓

在望魚石地名孔墳事實無攷

宋

董公御史墓
在湯泉事實無攷

明

余思銘墓
勅葬隆門里

汪璧墓
御史葬刻漏山

王浙墓
按察司副使葬西御茶店

周澤墓
誥贈通奉大夫葬南鄉牛食畝

黃洧墓
歲貢葬粉壁塗

王筵墓
苑馬寺少卿葬千籬畝

劉任墓

布政司叅政墓西畝

劉湧墓

布政司叅政墓龍頭橋

袁志高墓

戶部主事墓三里橋

洪其道墓

刑部員外郎墓盧家集

黃焯墓

平湖知縣行取吏部墓東沙河

熊偉墓

陽城知縣墓胡太里

王照墓

刑部郎中墓鎮山

馬之圖墓

吏部郎中墓夾山店

盧天錫墓

太平知縣墓陶家河

宋文昌墓

吏部員外郎墓中舖

楊惟鈹墓

誥贈右副都御史墓三教洞之陽

楊所修墓

原任左副都御史墓銅井山楊家河

周謙墓

誥贈左布政使墓普江河

周汝璣墓

左布政使墓盧家畷

周汝弼墓

右副都御史墓丁家畷

張舜命墓

按察司副使墓北關外

張應輅墓

吏部主事墓楊家畷

洪應衡墓

陽和道副使墓蓮花山

孔榮宗墓

按察司副使墓下馬河

王俊墓

御史墓柳樹店

馬剛中墓

翰林院檢討墓西門外

黃榮墓

孝子生員墓方家灣

國朝

陳良弼墓

鄉賢生員墓茅坪河

王政大墓

誥贈榮祿大夫墓高斛山

黃瑞墓

誥封榮祿大夫墓西南盧家畝

沈一澄墓

刑部清吏司主事墓官畝

熊奮渭墓

刑部侍郎墓 西鄉抱耳樓

周履墓

功貢贊畫遊擊墓 北鄉八里灘

王調墓

延平府通判墓 北鄉劉家塆

萬允祚墓

浙江叅政墓

陳國經墓

松江府推官墓

楊名世墓

乾州知州墓 北鄉李家集

周建能墓

馳贈奉直大夫墓 南鄉陡岡

周鵬墓

馳贈奉政大夫墓 北鄉八里灘

周封臣墓

誥贈奉直大夫墓 北鄉塔灣

周逾錢墓

誥贈奉政大夫墓八里灘

李時勉墓

翰林院檢討墓

周作哲墓

雲南賓州知州墓東鄉袁家河

周作淵墓

廣東惠州府同知墓西鄉魏家灣

黃緒墓

贈奉直大夫墓北鄉方家灣

高暎墓

山東賓州知州墓

楊裔賢墓

贈奉直大夫墓南鄉汪家岡

楊嘉年墓

誥贈奉直大夫墓

楊鯤墓

直隸延慶州知州墓

何秉恕墓

馳贈文林郎內閣中書堊東關何家店

黃紳墓

馳贈奉直大夫堊余家集鹽池畝

五童墳

舊志載因縣治原係楊氏五人墳遷於東岡祀同厲壇一說楊氏五童有功商邑故祀之

未知孰是

寺觀

崇福寺

在北門內西小街

金剛院

在北門內西小街

觀音堂

在城內南大街口一間仍舊

十方院

在南關

法聖菴

在東鄉三山口保俗名廬家廟明時建

斗山寺

在西門外

火星廟

在東關

白衣庵

在南關卽包公廟

南無寺

在南門外

迎水寺

在西門外河西岸

海會庵

在北門外教場右今名禪興寺

觀音庵

在石嘴河離城五里

迴龍廟

在城西七里

崇國寺 東南八里岡

興福寺 在胡太寺保距城三十里

法眼寺 在黃檗山距城一百二十里

觀音閣 在城西四十里觀音鋪土名張家大廟

祖師廟 在城北二十里和豐橋北

石佛寺 在城北三十里舊燬知縣衛貞元重修

淨飯寺 在城南三十五里湯池左

小祇園 西南二十里在橫山知縣衛貞元創建捐俸
置田膳僧迎雲棲禪侶焚祝其中

虎駟寺 南二十里卽中王照建

邱山選佛寺

西南四十五里生員王伊建

雙河廟

東南九十里

覺成寺

在城南一百五十里佛上保

伏山寺

在城東南五十里唐時勅建

關王廟

在南關保紫雲山離城五里明時建

華岩寺

在城東五十里唐時勅建

清烟寺

在縣南一百六十里南界嶺

清淡寺

在城東南九十里雙河保

西來庵

在城東三十里三山口保

白雲庵 在城東九十里雙河保

現月庵 在城東四十里華上保

鹿鳴庵 在城東五十里華上保

仙跡寺 在城東十里三山口保

培風寺 在城東九十里袁下保

圓覺庵 在城東一百二十里雙河保

白衣庵 在城南二十里香上保

朝陽庵 在城南二十里香上保

火龍堂 在城南三十里香上保

薛家山廟 在城南八十里溪上保

筆架山廟 在城南九十里溪上保

宏覺庵 在城南一百六十里佛上保

崇福庵 在城南一百六十里佛上保

燕子岩廟 在城南一百六十里佛下保

東岳廟 在城南二百里竹上保

古佛堂 在城南二百里竹上保

竹影庵 在城南一百八十里竹下保

真如庵 在城南二百里竹下保

隱賢寺 在城南九十里武上保

太子廟 在城南一百里武上保

法源寺 在城南一百二十里武上保

圓通庵 在城南一百里武上保

冠石山廟 在城南一百里武上保

海佛庵 在城南九十里武上保

復興寺 在城南七十里武下保

清涼寺 在城南七十里武下保

植德林 在城西二十五里

自在庵 在城西南二十里

大悲庵 在城西六十里通上保

石塔寺 在城西五十里門上保

蓮池庵 在城西五十里門上保

福壽庵 在城西五十里門上保

廣壽庵 在城西三十里門下保

獨山寺 在城西五十里門下保

無垢寺 在城西五十里考上保

碧雲寺 在城西六十里考上保

東陽寺

在城西七十里考丁保

祇園寺

在城西八十里考上保

翠林庵

在城北二十里校下保

三昧庵

在城北二十里校下保開山僧證仁創修徒

松岩傳孫廣念重修

鳳山廟

在城北三十里南司保

三教洞

在城北二十五里三里坪保

永福寺

在城北六十里陳家集保

花園寺

在縣南一百三十里青土保

天泉寺

在縣南一百里武士保

修篁庵

在城西觀下保卽王家堂故址也王應龍夫
婦居此無子以已田施僧六圓遂易草庵爲

瓦舍復置田園以

地多修竹更今名

地藏寺

在城南香下保離城二十五里僧脫座自建
離相重修

大廟岡廟

在城北六十里華下保

袖師廟

在城北六十里華下保

涼亭寺

在城南一百三十里青下保

道冠寺

在城南一百四十里青下保

三官廟

在城北四十里雙椿鋪保

橫山廟

在城東二十里胡太寺保

極樂庵

在城東九十里哀下深

〔按〕地理爲邑志之要纂之宜詳而考覈尤貴確當余履其山川按其圖籍或採之士大夫之著作或得之故老之傳聞延搜博訪匪朝夕矣茲繪圖以考之溯沿革以辨之仰觀天文俯察地脉經界正則疆域之防守綦嚴古蹟存則前代之遺徽不墜又况風俗爲立教之本物產乃農政之資顧不重與他如牛眠馬鬣每興憑弔之思紺宇琳宮亦著幽棲之勝凡茲類及不敢從同文踵於因事詳於

原书缺页90-末